

Nastavlja se aktivnost na razbijanju mreža koje pomažu osobama optuženim za ratne zločine



“Aktivnosti koje su danas na Palama preduzele međunarodne i domaće agencije za sprovođenje zakona ukazuju na to da su zajedničke aktivnosti u cilju razbijanja mreža, koje daju podršku bjeguncima optuženim za ratne zločine, i relevantne i neophodne,” izjavio je danas prvi zamjenik visokog predstavnika Raffi Gregorian.

OHR pozdravlja i daje svoju punu podršku pretraživanju stanova i kuća koji pripadaju Ljiljani Karadžić, Sonji Karadžić, Saši Karadžiću, Branislavu Jovičeviću, te radnog mjesta Ranka Cicovića na Palama. Gregorian je konstatirao da su Vijeće ministara BiH, kao i OHR, SAD i EU, usvojili različite sankcije usmjerene prema ovim osobama zbog njihove uključenosti u mreže podrške.

“Hapšenje osumnjičenih za ratne zločine putem razbijanja njihove kriminalne mreže za podršku ostaje jedan od ključnih zadataka međunarodne zajednice u BiH,” rekao je prvi zamjenik visokog predstavnika. “Uloga EUFOR-a i NATO-a u BiH ostaje od ključnog značaja za pravdu i za dugoročnu sigurnost i stabilnost ove zemlje, ali jednako značajna je i uključenost domaćih agencija za provođenje zakona.”

Puna saradnja sa Haškim tribunalom ostaje zahtjev koji proizlazi iz Daytonu te ima i direktan uticaj na integraciju BiH u euro-atlantske strukture.